

**'Keselamatan Sabah tiada kaitan dengan pembelian jet' - Najib
Astro Awani
Jun 09, 2015**

KUALA LUMPUR: Perdana Menteri dalam blognya hari ini berkata bahawa isu keselamatan Sabah tiada kaitan dengan pembelian sebuah jet rasmi oleh kerajaan dan juga tidak ada pelencongan atau pengurangan dalam dana keselamatan Sabah untuk membeli jet itu.

Datuk Seri Najib Tun Razak pada segmen FAQ dalam laman blognya berkata, dia hairan dengan kenyataan itu dan menyatakan bahawa keselamatan Malaysia adalah kepentingan paling utama beliau, yang membawa kepada kewujudan ESSCOM untuk menjamin sempadan Sabah.

Najib menjelaskan bahawa ESSCOM terdiri daripada dua komponen, yang mana komponen pertama meletakkan keselamatan dan pengurusan pertahanan sebagai keutamaan dan satu lagi komponen untuk mengendalikan penguatkuasaan dan tindakan awam.

Tambahnya walaupun ESSCOM boleh dianggap berjaya dalam memastikan keselamatan ESSZone yang membabitkan 10 daerah di timur Sabah seperti Kudat, Kota Marudu, Pitas, Beluran, Sandakan, Kinabatangan, Lahad Datu, Kunak, Semporna dan Tawau, kes penculikan masih menjadi ancaman satu keselamatan.

Beliau menjelaskan bahawa situasi ini rumit kerana isu pemberontakan di Selatan Filipina dan sempadan maritim yang luas.

Najib turut memberi penghargaan kepada semua yang terlibat dan mengorbankan nyawa mereka untuk melindungi dan mempertahankan kedaulatan negara.

Beliau menjawab soalan dalam blognya, Najib.com, berkaitan dengan pembelian sebuah jet rasmi. Soalannya berbunyi:

"Negara ini telah diserang berulang kali oleh pengganas yang membunuh anggota polis dan tentera kita. Adakah ini situasi biasa atau masalah keselamatan? Jika kita menjaga keselamatan mengapa kita membeli jet peribadi mewah?"

Copyright © Astro Awani Network Sdn. Bhd. 2014 (535275-D).

Source: <http://www.astroawani.com/berita-malaysia/keselamatan-sabah-tiada-kaitan-dengan-pembelian-jet-najib-61977>